



Na partida particolare chëra de Copa Provinzia da insëra, gnüda recuperada sön le ciamp da Prettau a gauja dla impraticabilitè dl ciamp a Uttenheim (daulache al foss gnü sughé ai 23 de agost). Ince sce le scomenciamënt dla partida é preodü dales 20:00 , é i 90 menüć impormò ruvà incër mesa les dodesc por deplö gaujes. La Val mëss sun jì sënza devënta a ciäsa, dô avëi fat na bela parüda cuntra le Mühlwald.

La pröma gauja che à determiné le prolungiamënt de chësta sëra é stè le intardiamënt dl arbiter, che s'à prejentè al ciamp n'ora plö têt, i sogadûs de trames les scuadres à messè insciö dè sö le riscaldamënt por indô mët man na mesora plö têt.

Le diretor röia adalerch y damana pordonn por le gran intardiamënt, la partida mët spo atira man y al é La Val che fej gran druch. Ti confronć a chësta ultima domënia, aél da odëi na gran

desfarènzia, nia ma tl bel jüch bâs mo ince tla determinaziun a mioré y lascè udëi indô les cualitês dla squadra.

Ti proms 20 menüc ne vëiga i sogadûs da Mühlwald prësc degun pal, l centroácampisc é bugn de partì fora de bí pai ales fasces, daulache Alex E. y Micky é scialdi trës bugn tl un contra un de sciampè y jì a contlujiun. Al ne passa porchël nia tröp che Alex sbloca le resultat cun n bel gol. Alexander M. deliziëia le atacant cun n bel pasaje âlt, chësc é bun de superè le defensur cun na bela morvëia, sù dan le verdaporta tira chësc na bela trata che ti rōia sot les mans ite. Gran esultaziun por n bel gol de Alex. Bel plan é spo ince i aversars che se lascia odëi. Sön les situaziuns standard, dandaldöt sön les trates da ciantun é i aversars prigorûsc. A 15 menüc dala fin dl pröm tēmp é l'atacant aversars che ti sciampa sön n bel assist ala defenjun ladina, le portier Julian ne é nia plö bun dl architè sō y insciö pò la squadra da Mühlwald esulté por la parité. Dedô é ince la squadra de Floriani che pêrd n pū la concentraziun y conzed massa lêrch ai aversars. Al ne passa nia tröp tēmp che al ti garêta le secundo gol. Sön na puniziun contra porta rōia n atacant denant sön le pal y pò insciö le apogé te porta, na picia scincunda ala squadra da Mühlwald che vël le vantaje.

Dan le sciüre dl pröm tēmp ti pudessera garetè ciamò a Alex a portè le resultat a parité, tla medema posiziun da denant ti sciampel ala defejiun mo la trata in chësc iade vëgn rebatüda dal verdaporta.

Le pröm tēmp se rüva sön le 2 a 1 por le Mühlwald.

Al scomenciamënt dl secundo tēmp é spo indô i sogadûs da La Val che detëia i ritmi, al vëgn druché sön les fascies por ruvé dan porta a chirì l'inserimënt di atacancé cun de bì preparatifs. Le ultim pasaje ne röia indêre nia trës a bun fin.

Sciöche sce al ne ess nia bastè la retard dl arbiter, do da 6 menüc dl secundo tēmp, é ince les lüms dl cíamp a Prettau che se destüda, i sogadûs mëss indô aspetè y la concentraziun va ince indô a pêrd. Dô 15-20 menüc é l'ilumiaziun dl cíamp indô chilò y an pò jì inant cun le jüch.

Le alenadû Floriani passa a n modulo de jüch plö intardiamënt, a ciarè de remuntè le resultat. Ince l'arbiter é protagonist de chësta sera, nia ma por le gran retard, mo ince por la direziun dla partida, n gröm de fai nia sciurà.

Te döt le secundo tēmp ne él nia da mostrè sô gran ocajiuns da gol. La squadra da La Val ne é impône buna de recuperè le resultat.

Le arbiter sciüra la fin sön le resultat de 2 a 1 por le Mühlwald. **La partida de retüda vëgn sugada le proscim mercui ai 10 de setëmber dales 20.00 a La Val.**

Formaziun titolara: Julian Moling, Elmar Valentin, Paolo Vallazza, Max Nagler, Egon Frenes, Alex Elzenbaumer, Stefan Sottara, Felix Nagler, Freddy Sottara, Micky Frenes y Alexander Miribung.

Alenadù: Floriani Claudio

Sostituziuns:

David Moling gnü ite imped Egon Frenes (70^ menüt)

Manuel Stampfer gnü ite imped Alexander Miribung (75^ menüt)

A chësc lynch pon ciafè n pice insërat sura la partida da insëra y i resultač dles atres partides : [altoadigegol](#)

Insëra, mercui ai 23 de aurì él gnü sughé l'andata dla semifinala de Copa Provinzia contra la squadra da Ritten, che süga le campionat trê te 3 categoria mo te n ater girone. La squadra da

La Val à incuntè na squadra sterscia, che à lascè udèi sües cualitès portan a ciasa la devènta por 2 a 0. Ai 7 de mà gnaral sughé le ritorno sön le cíamp dl Ritten.